


Koob tshuaj mRNA rau COVID-19 ua haujlwm li cas

03/29/2021

Tus kab mob vais lav (virus) uas tsim tus mob COVID-19 hu ua khaus lauv nam (coronavirus). Tus kab mob khaus lauv nam muaj tej ntsis uas ntse ntse nyob ib puag ncig. Cov ntsis ntse ntse no muab ua cov ntsis plhaus thees (proteins). Cov ntsis plhaus thees no nkag mus nplaum cov keeb nyob hauv peb lub cev ua rau peb muaj mob. Cov kws tshawb fawb kev kho mob tau kawm paub tsim lub ntsis plhaus thees uas yog tus kab mob COVID-19 lawm. Lawv yuav siv tej yam lawv kawm paub no mus sau tej lus qhia (messenger RNA (mRNA)) kom peb cov keeb hauv cev paub tsim tej cuav ntsis plhaus thees no es thiaj li tawm tsam tau tus kab mob.



Cov kws tshawb fawb kev kho mob tau sau tej lus qhia (lub mRNA) uas taw qhia peb lub cev paub tsim tej cuav ntsis plhaus thees no. Lub mRNA uas taw qhia no nyob hauv koob tshuaj.

Thaum muab koob tshuaj txhaj mus rau lub cev lawm, cov mRNA uas nyob hauv koob tshuaj yuav mus tsim cov keeb plhaus thees ntawm koj txhais npab. Koj lub cev mam li siv cov mRNA no mus tsim cov cuav ntsis khaus lauv nam. Vim yog cuav xwb, koj yuav kis tsis tau tus kab mob COVID-19 los ntawm kev txhaj koob tshuaj no.

Koj lub cev li kev tiv thaiv kab mob yog yam uas pab tawm tsam tus kab mob. Nws tawm tsam tau ntau yam kab mob npes taws lias thiab vais lav. Thaum koj lub cev li kev tiv thaiv kab mob pom muaj lub cuav ntsis, nws yuav xav tias yog tus kab mob COVID-19, tiamsis tsis yog. Koj lub cev li kev tiv thaiv kab mob yuav siv zog tawm tsam heev. Cov no yog cov uas tawm tsam (antibodies). Ib txhia yuav mloog tau li mob mentsis thaum lawv lub cev tsim tawm tej yam tawm tsam cov cuav ntsis no.

Ces thaum kawg, koj lub cev tawm tsam tau tus kab mob COVID-19 yam tsis tas ua rau koj mob COVID-19. Yuav siv sijhawm li ntawm 2 lub lim tiam tom qab koj mus txhaj koob tshuaj thib ob tag mas koj lub cev mam li tiv thaiv tawm tsam tau tus kab mob no. Yog tias koj kis tau tus kab mob tom qab ntawd, ces koj lub cev yeej tiv thaiv tau koj ntawm tus kab mob COVID-19 vim nws twb cim paub tias tus vais lav zoo li cas lawm los ntawm lub cuav ntsis ntawd. Nws cim tau li no thiaj li pab tiv thaiv tau koj kom tsis txhob kis mob.

- Tom qab koj lub cev tsim tau cov ntsis ntawd, nws yuav muab lub mRNA tua pov tseg.
- Koj kis tsis tau tus kab mob COVID-19 los ntawm koob tshuaj.
- Tsis muaj cov kab mob vais lav COVID-19 nyob rau koob tshuaj mRNA.